



UDRUŽENJE GRAĐANA ZA POVRAT STARE
DEVIZNE ŠTEDNJE U BiH i DIJASPORI

RAIFFEISEN BANKA
ž.r. 161045003682073
e-mail: nnisic@spinter.net
www.starastednjabh.org

Sjedište: Banja Luka 78000
I. G. Kovačića 139b
tel. 051/380-738
fax. 051/381-374

Upravni Odbor
Broj: 1531/10
Banja Luka, 16.01.2010.

SAOPŠTENJE ZA MEDIJE

Udruženje građana za povrat stare devizne štednje u BiH i dijaspori, najoštrije osuđuje upad policije u prostorije BN televizije. Solidarišući se sa osobljem BN televizije, smatramo da način na koji je izvršen pretres, ukazuje na klasično onemogućavanje rada novinara i uznemiravanje radnika, što u krajnjoj liniji navodi na zaključak da je riječ o svojevrsnom pritisku na ovu medijsku kuću. Ako je upad izvršen zbog sumnje na utaju poreza od strane menadžmenta BN televizije, uvid u finansijsko poslovanje ove kuće, nesumnjivo je mogao biti izvršen na mnogo primjereniji način. Direktno ometanje rada medija, na način svojstven totalitarnim režimima ne priliči demokratskoj zemlji, kakvom se Bosna i Hercegovina predstavlja. Metode represivnog policijskog djelovanja u BiH, odavno su izašle iz demokratskih okvira, a Udruženje građana za povrat stare devizne štednje u BiH i dijaspori i ovom prilikom podsjeća na dešavanja u Gradišci, od 28.decembra 2007. godine, kada su pripadnici specijalne jedinice MUP-a RS, naočigled cjelokupne javnosti, brutalno pretukli nekoliko stotina članova Udruženja, prevarene i obespravljene građane RS i BiH, koji su mirnim i dostojanstvenim protestom željeli ukazati na neodrživo stanje u oblasti poštovanja ljudskih prava i zaštite privatne svojine. Ovaj užasavajući i krajnje neprimjeren način, razračunavanja vlasti sa neistomišljenicima u redovima vlastitog naroda, prošao je potpuno nezapaženo u javnosti.

Niko od predstavnika medija, nevladinih organizacija, pravosudnih organa, (pa čak ni kancelarija ombudsmana), tada nije našao za shodno da digne glas protiv tiranije nad nedužnim građanima i zbog toga danas i imamo ovo što se desilo BN televiziji. Izostanak bilo kakve reakcije, pa makar i zakašnjele, daje za pravo vlastima i pripadnicima MUP-a, u ovom

slučaju u RS, da nastave sa praksom, kakvu Evropa na pragu konačnog ujedinjenja, neće i ne može tolerisati.

Udruženje apsolutno podržava rad policije i pravosudnih organa, ali ne može i neće pristati na ponižavajuće metode policije i tužilaštva Okružnog suda u Bijeljini. I ranije smo ukazivali na brojne propuste i malverzacije u kontekstu utaje poreza i bezobzirne pljačke bh građana, a saradnju sa istražnim organima, uprkos ovakvim primjerima, nastavićemo i ubuduće. Ustupanjem određenih informacija i dokaza protiv kriminogenih pojedinaca u vrhu bh vlasti, kojima raspolažemo, spremni smo pomoći tužilaštvu u otkrivanju i procesuiranju subjekata za koje se osnovano sumnja da su neposredni izvršioci privrednog i drugih oblika finansijskog kriminala u BiH. Udruženje smatra da BN televizija nije adresa na kojoj treba tražiti osumnjičene za utaju poreza, pogotovo ne metodama pritisaka i zastrašivanja i nikako uz primjenu sile na nedužnim radnicima. U nadi da se ovakvi propusti neće ponoviti, još jednom izražavamo bezrezervnu podršku novinarima i osoblju BN televizije i pozivamo na zajedničku borbu protiv organizovanog kriminala, a na dobrobit svih građana BiH.

Banja Luka,
16.01.2010.

za Upravni Odbor
predsjednik

(**Svetozar Nišić**)

